

不知醫必要卷三

廣鬱 梁廉夫 子材著

嘔吐

此症必有所因。因寒滯者。腹多疼痛。因食滯者。胸多脹滿。因氣逆者。脹連脇肋。因火鬱者。渴而躁熱。因痰飲者。必先咳水。因風邪者。每兼發熱。若無此諸症。悉屬胃虛。○王太僕曰。食不得入是有火也。食入反出。是無火也。則此二語。可辨寒熱。

嘔吐列方 勿混作翻胃治

二陳湯 和 治脾胃不和而嘔吐。

陳皮 一錢五分 半夏 二製 錢

茯苓 一錢五分

炙草 七分

加生薑三片煎。○食入而出是寒症。加藿香一錢五分。炒砂仁五分。

煨薑三大片。寒甚則不用煨薑。加乾薑五六分。或一錢。○食不得入是熱症。加黨參一錢五分。黃芩一錢。黃連五分。○如爲飲食所傷吞酸噎腐。加砂仁五分。蒼朮藿香麥芽山楂各一錢。○吐酸水。加吳萸七分。黃連五分。○嘔吐無物。加黨參一錢。竹茹一錢五分。旋覆花二錢。代赭石一錢。大棗三枚。生薑青加二片。○發熱有風邪者。加荆芥防風各一錢五分。頭痛加川芎一錢五分。○脾胃虛弱而嘔吐者。加炒黨參白朮各二錢。炒砂仁四分。木香濕紙包煨六分。○兼腹痛者。加藿香一錢五分。木香一錢。或六七分。隨宜酌加。

竹茹湯

涼

治胃熱嘔吐。

半夏

製二錢

乾葛

竹茹

各一錢五分

甘草

一錢

加生薑三片。紅棗二枚煎。

葛花湯

和

治飲酒過多。痰逆嘔吐。

黨參 去蘆

葛花

白朮 淨

澤瀉 鹽水炒

茯苓

白蔻 杵

砂仁 杵 各一錢

猪苓

陳皮

青皮 各七分

神麴 炒杵

木香 各五分

加生薑三片煎。

小半夏加茯苓湯 和

治嘔吐心下痞隔間有水眩悸者。

茯苓 三錢

半夏 製 二錢

加生薑三大片煎。

二朮二陳湯 和 治嘔吐清水如汁。

白朮 淨炒

半夏 製

茯苓 各一錢 五分

蒼朮 米泔水 浸切

陳皮 各一錢

炙草 七分

加生薑三片紅棗一枚煎。○如虛寒者加黨參二錢煨薑三大片。或

加乾薑七八分。○食滯加神麴一錢砂仁五分。○腹痛加藿香一錢

五分。木香七分。

吳茱萸湯

溫

治乾嘔。胸滿吐涎沫。及頭痛食穀欲吐者。

黨參

去蘆米
炒三錢

吳萸

泡
七分

加生薑五片。紅棗二枚煎。○一方製半夏二錢。乾薑一錢。治乾嘔吐寒痰。

溫胃飲

熱補

治中氣虛寒嘔吐。不思飲食。

黨參

去蘆米
炒三錢

白朮

淨

扁豆

炒
枰

半夏

製
各二錢

陳皮

七分

乾薑

炒
八分

炙草

一錢

如胸腹痛者。加藿香一錢五分。砂仁五分。木香七分。○大嘔大吐。不能止者。加炒高麗參三錢。炒白朮一錢。另研胡椒末二分。涼藥服。

翻胃

此症當辨新久及所致之由，或由酷飲無度，或由傷於酒濕，或由縱食生冷，敗其真陽，或由七情憂鬱，竭其中氣，無非內傷之甚，以致損傷胃氣而然。治之者，新病可兼去滯解鬱，久病必須扶助正氣，健脾養脾胃爲主。○王太僕云：食入反出，是無火也。此誠一言而盡然，無入之由，而猶有上中下三焦之辨。寒在上焦，則多爲惡心，或泛泛欲吐者，此胃脘之陽虛也。寒在中焦，則食入不化，食至中脘，或少頃，或半日復出者，此胃中之陽虛也。若寒在下焦，則朝食暮吐，暮食朝吐，乃以食入幽門，丙火不能傳化，故久而腹出。此命門之陽虛也。治之者，當求其本始效。○嘔吐方內，亦有可通用。○初愈宜飲參湯，或食稀粥飯，祇可食半盅，由漸而加，一月後方可復常，亦切不可過飽。

○翻胃列方

陳皮半夏湯

和

治病在上焦，惡心嘔食。

陳皮 一錢五分 半夏 二錢製

加生薑三片煎。○如有痰，加茯苓二錢。

人參半夏湯熱 治上焦為寒所傷，而惡心嘔食者。

黨參米拌炒去蘆三錢 半夏二錢製 乾薑八分

水煎。

加味六君子湯溫補 治病在中焦，嘔而兼有痰者。

黨參去蘆米炒 半夏二錢製 白朮淨 茯苓各一錢

陳皮 炙草各二錢 吳萸五分 生薑三片

理中加半夏湯熱補 治病在中焦，脾胃虛寒，食入反出者。

黨參去蘆米炒 半夏二錢製 白朮淨炒 歸身各一錢五分

乾薑炒 藶撥 炙草各一錢

右歸飲加減湯熱補 治病在下焦，朝食暮吐，暮食朝吐，食入久而反出者。

熟地 四錢

淮山 炒

半夏 製

枸杞 各二錢

萸肉 一錢五分

附子 製一錢

肉桂 去皮另燉五分

炙草 七分

地黃肉桂湯

熱補

治同上

○愈後宜服六味地黃丸或加肉桂

黨參

去蘆米炒三錢

熟地 四錢

半夏 製

歸身 各二錢

吳萸

泡七分

肉桂

去皮另燉六分

附子散

大熱

治病在下焦而反胃者

大附子 一個

新燒磚 一只

將附子淬入生薑汁。放在磚上四面燒紅炭火逼乾。再乾再逼。約薑

汁盡半碗。研末每服一錢。米飲下。○薑要自然汁。磚要新方佳。

香櫞甘蔗湯

和

通治反胃

乾香櫞

二大個熬濃汁

甘蔗汁 五碗

生薑汁 一茶杯

和勻。早晚每服大半茶杯。

噎膈

食不得入爲噎。食雖入咽。卽帶痰吐出爲膈。此皆由憂愁思慮。積勞積鬱。或酒色過度。以致血液俱耗。上下乾槁而然。趙養葵則歸於治腎。腎乃胃之關門。關門不利。升降息矣。惟腎旺則胃陰充。胃陰充則能食。以大劑六味八味地黃湯爲主。而高鼓峯等又宗其法而變通之。專取陽明。以六味地黃湯去丹皮澤瀉茯苓。加甘草枸杞生地當歸。使一派甘潤之藥。以養胃陰。胃陰上濟。則賁門寬展。而飲食進。胃陰下達。則幽門關門滋潤。而二便通。服十餘劑可愈。○薛立齋則以歸脾六君等湯。與六味八味地黃丸間服。○或謂此症往往六七日不大便。則陳物不去。宜以大黃下之。隨用芝蔴煎濃飲之。○惟張仲景之法最佳。以半夏爲主。而降衝任之逆。以人參爲輔。而生既亡之液。若於此而得其悟機。又審其寒熱虛實而施治之。

則善矣。○幸而能愈。初二二日祇可飲參湯與稀粥一盅。三日後由漸而加。十日後方可食飯。然亦不得飽食。飽食傷胃。則病復難救。

○噎膈列方

開膈法

甘蔗

約四寸去皮切片如錢

白米

一酒杯以水潤透

用磁碗一只。將蔗與米放入碗內。蓋密慢火蒸成飯。先取蔗與病人徐徐嚼嚥其汁。喉嚨乃開。隨食此飯。開膈後看症服藥。

四物加味湯

補

治噎膈。

熟地

四錢

當歸

二錢

川芎

一錢

黨參

去蘆米炒

半夏

製

白芍

酒炒各一錢五分

加甘蔗汁牛乳各一酒杯。沖藥服。

加減六味地黃湯

涼補

治同上。

生地

當歸 各二錢

半夏 製

黃肉

淮山

枸杞 各一錢五分

甘草 六分

如寒則去生地。加熟地三錢。肉桂四分。附子七分。甘草用炙六分。

歸脾湯 補 治同。

黃耆 炙

黨參 去蘆米炒

棗仁 即炒杵

白朮 飯蒸

白芍 酒炒各一錢五分

當歸 三錢

龍眼 淨肉六分

木香 七分

遠志 去心三分

炙草 五分

如有痰涎多者。加泡吳萸六分。

葛花半夏湯 補 治好飲酒人噎隔。

黨參 去蘆米炒三錢

半夏 製

葛花 各二錢

白朮 淨

茯苓 各一錢五分

陳皮 一錢

炙草 七分

生薑 二片

加牛乳。或羊乳。半茶杯。沖藥服。○如痰涎多者。加泡吳萸六分。

烏藥半夏湯 和 治氣滯人噎隔。

黨參 去蘆米炒三錢

半夏 製

烏藥 各二錢

附香 酒炒杵

茯苓 各一錢五分

陳皮 去白一錢

砂仁 七分

炙草 六分

加生薑二片煎。○加味照煎。

神麴半夏湯 消食兼補 治不節飲食人噎隔。

黨參 去蘆米炒三錢

白朮 淨炒

半夏 製各二錢

神麴 炒

山楂

茯苓 各一錢五分

陳皮 去白一錢

炙草 七分

生薑三片同煎。○加味照煎。○如大便結。三方俱加當歸二錢。○一

老醫云。此症宜飲牛乳。或同薑汁蔗汁陳酒服均佳。若徒服香燥之

藥。以取快一時。破氣而燥血。是速其死也。

生薑汁煎 補 治噎食不下。咽喉閉塞。胸膈煩悶。

高麗參 去蘆米炒

百合 各二兩

牛酥

白蜜

生薑汁 各五兩

共入銅鍋內煎。去渣熬膏。每服一酒杯。緩緩嚥下。

金銀花膏 微涼 治噎隔。胸痛畏食者。

金銀花 十兩

水煎去渣。慢火熬成膏。早晚每服一酒杯。米湯下。

枇杷葉煎 兼補 噎隔均治。

黨參 去蘆米炒 半夏 製 錢五分

阿膠 蛤粉炒 枇杷葉 去毛蜜炙 錢五分

陳皮 六分 炙草 五分

生薑 二片

老人噎食不通方

黃雌鷄肉四兩。茯苓二兩。白麵六兩。作餛飩。入白油煮食。三五次即愈。

治噎隔奇方

香櫟一只挖通心。以乾結人糞填入。仍封口火煨三炷香久取出。碗蓋存性。研細末。每服二錢黃酒下。三次即效。○如無香櫟。用蘿蔔亦可。

呃逆

此症雖由氣逆而然。然有兼寒兼熱。有因食滯氣滯。亦有因中氣虛。陰氣竭者。治之當察其聲強氣盛。多宜清降。聲小息微。悉宜溫補。若大病之後而見此者。乃虛脫之呃。殊非吉兆。○凡呃逆多至七八聲相連。收氣不回者難治。

○呃逆飲方

柿蒂飲

和

治尋常呃逆。

柿蒂

三錢

水煎。○一方加丁香七分。治胸滿呃逆不止。○又方用雄黃二錢。研

細末酒煎。令病人以鼻常聞之。即愈。

薑蜜飲 溫 治呃逆久不愈。連連四五十聲者。

生薑汁 半盞

加蜜調勻。燉熱服。

安胃飲 涼 治胃火上衝。呃逆不止。

黨參 去蘆

陳皮

山楂

麥芽

木通

澤瀉 鹽水炒

黃芩

石斛 各一錢

橘皮湯 微涼 治氣鬱。火衝呃逆。

黨參 去蘆

半夏 製各一錢

竹茹

陳皮 各一錢五分

甘草 八分

生薑 一片

丁香散 熱 治痢後。或病後。胃中虛寒呃逆。

黨參 去蘆米炒

半夏 製

陳皮

茯苓 各一錢

良薑 五分

柿蒂 一錢五分

丁香 四分

炙草 五分

加生薑二片煎。

遺精

遺精之症。凡有所注戀而夢者。精爲神動也。其因在心。有慾事不遂而夢者。精失其位也。其因在腎。有勞倦而卽遺者。筋力不勝。肝脾之氣弱也。有用心過度輒遺者。中氣不足。心脾之虛陷也。有濕熱下流。相火妄動而遺者。脾腎之火不清也。有無故滑而不禁者。下元之虛。肺腎之不固也。有素稟不足而精易滑者。先天之元氣單薄也。有久服冷利等劑。以致元陽失守而滑泄者。誤藥之所致也。治此者。當各求所因。至於年壯孤眠。盛滿而溢。則去者自去。生者自生。無足爲意。

○遺精列方

兔絲子湯補 治腎氣虛損。目眩耳鳴。四肢倦怠。夜夢遺精。

絲餅 五錢

淮山炒 三錢

石連去心

白茯苓 各二錢

水煎。○一方加五味子六分。治小便不禁。

補心神效丸補 治心神不安。夜夢遺泄。

黨參 去蘆米炒

淮山炒

茯神 各六錢

遠志去心 一錢五分

熟地 四錢

棗仁即炒 三錢

北味 二錢

加另研柏子仁末三錢。煉蜜爲丸。如綠荳大。硃砂爲衣。每服三錢。黨參龍骨煎湯下。

遠志飲兼補 治心腎不足。恍惚不甯。夢遺泄精。

高麗參去蘆米炒 二錢

淮山炒 三錢

龍齒煨 一錢

石菖蒲 一錢

正茯神硃砂末拌 一錢五分 遠志去心 五分